



साःगु भिंगु मरिचरिया निति लुमका दिसै !
 लक्ष्मण जमाल /चिलिमि'
 प्रोप्राइटर
लाखा छै
LAKHA CHHEN
 सोन्हुटे, वडा नं. १६, येँ, फोन नं.: ४५६०७५८

निर्वाचन न्हयःने आदिवासी जनजातिय थीथी माग माग पूमवनीगु खःसा निर्वाचन बहिष्कारया ख्याच्चः

लहना वाःपौ/ निर्वाचन न्हयःने वयाच्चंगु इलय् आदिवासी जनजातियसं थःपिनिगु माग पूमवनीगु खःसा मतदान बहिष्कार यायेगु ख्याच्चः बिउगु दु। वंगु छुं फागुन १२ गते गोरखाया बराम समुदायं येँ छु पत्रकार सम्मेलन यानाः थःपिनिगु माग पूर्वकेगु खःसा जक मतदानय् ब्वति कायेगु खँ धाःगु खः।



मुद्दायात कयाः स्पष्ट प्रतिबद्धता मर्क्कगु दल व उम्मेदवारयात मत मवीत इनाप यासै यदि राजनीतिक दलतयसं थःपिनिगु मागयात बेवास्ता यात धाःसा 'नो भोट' या अधिकार छु यलेगु ख्याच्चः नं बियातःगु दु।

उकथं हे फागुन २१ गते जुइगु निर्वाचनयात कयाः नेवाःतयसं नं सरोकार क्यंगु दु। वंगु शुक्रवाः येँया इतुम्बहालय् थीथी खलः पुचःया भेलां नेवाः सरोकारया मुद्दा दुथ्याःगु सार्वजनिक अपिल पित बियाः सरोकार क्यनेगु ज्या याःगु खः।

नेपाल बराम संघं येँ याःगु पत्रकार सम्मेलनय् थःपिनिगु बाहुल्यता दुगु थासय् विशेष, संरक्षित वा स्वायत्त क्षेत्र दयेकेत सर्वोच्च अदालतं बिउगु आदेश कार्यान्वयन याइगु प्रतिबद्धता मवःतले गुगुं नं दलयात मत मबीगु घोषणा याःगु खः। गोरखा जिल्ला बराम समुदायया ९० प्रतिशत जनसंख्या बसोबास याना वयाच्चंगु दु।

७ हजार ८५९ म्ह जनसंख्या दु। गुकी मध्ये ६ हजार २३३ म्ह गोरखाय् च्वनाच्चंगु दु। थुकथं हे इन्डिजिनियस पिपुल्स कलेक्टिभ इन्सियाटिभ्स वइगु प्रतिनिधिसभा निर्वाचनया नितिं आदिवासी जनजातिया मंकाः धारणा व १६ बुँदे अडान पत्र सार्वजनिक याःगु दु।

उकियात अस्वीकार याःगु दु। लिसै आत्मनिर्णयया अधिकार सहित १० प्लस १ या पुनःसिमांकन व नामांकन यायेमाःगु माग नं याःगु दु।

उकथं हे आदिवासी पहिचान, अधिकार सुनिश्चितता जुइकथं नेपाः छु बहुराष्ट्रिय राज्य दयेकेगु कथं संविधानसंशोधनयायेमाःगु माग नं याःगु दु। जिल्लाया संरचनां संघीयतायात प्रभावकारी दयेकेत मछिनाच्चंगु धासै प्रदेशयात अधिकार सम्पन्न दयेकेत जिल्लाया संरचना खारेज यायेमाःगु प्रतिबद्धता दलतयसं प्वंकेमाःगु माग नं यानातःगु दु।

झोत उमिगु हे नियन्त्रणय् दयेमाःगु माग यासै गुगुं नं कथंया विकास परियोजना सञ्चालन यायेबलय् आदिवासीया स्वतन्त्र, अग्रिम व जानकारी सहित मञ्जुरी (एफपीआईसी) अनिवार्य ययोमाःगु खँ नं माग पतिइ न्हयथनातःगु दु। मुक्कुमलुडया संरक्षण, सतक विस्तार विरुद्ध जूगु आन्दोलन व भूमि अतिक्रमण पनेत राज्यं ठोस प्रतिबद्धता प्वंकेमाःगु माग नं यानातःगु दु।

उकथं हे मांभाययात सरकारी ज्याखँया भाय् दयेकेमाःगु व माध्यामिक तहतक मांभासं शिक्षा अनिवार्य यायेमाःगु, निर्वाचन प्रणालीयात पूर्ण समानुपाक दयेकेमाःगु, आदिवासीया

भेलाय् सार्वजनिक याःगु अपिलयायात अन दुथ्याःपिं प्रतिनिधिपिसं अनुमोदन यायेगु ज्या नं जूगु खः। भेलाय् भाषा आयोगया दुजः सुरेश किरण मानन्धरं ब्वनाः न्यकादीगु १० बुँदे अपिलय् संविधानय् न्हयथनातःगु समावेशीया व्यवस्थायात अभ धिसिलाके माःगु, विकासया नामय् नेवाः भूमि अतिक्रमण दिकेमाःगु, नेवाः भासं शिक्षा बीमाःगु, उद्योग व्यवसाय व रोजगारीइ नेवाःतय् प्राथमिकता बीमःगु खँ दुथ्याः।

पत्रकार सम्मेलनय् बराम संघया केन्द्रीय अध्यक्ष भद्रकुमारी बराम थःपिनिगु उद्गमस्थल आरुघाटया स्याम्राड क्षेत्रयात विशेष, संरक्षित वा स्वायत्त क्षेत्र दयेकेमाःगु माग याःगु खः। नेपाःया जनगणना २०७८ कथं गोखारय् बराम समुदायया

जेनजी आन्दोलनया पृष्ठभूमिइ जुइत्यंगु निर्वाचनय् आदिवासी अधिकारया मू राजनीतिक एजेन्डा दयेकेमाःगु माग उगु पुचलं याःगु दु।

सार्वजनिक याःगु अडान पतिइ आःया न्हयगू प्रदेशया संरचना 'एकल जातीय प्रभुत्व' या संज्ञा बिसें

आदिवासीया थाय् व प्राकृतिक

लुम्बिनीइ अल्पकालीन प्रबज्या याइगु



लहना वाःपौ/ लुम्बिनीइ थ्व हे वइगु फागुन २६ गते ५ सय अस्थायी भिक्षु (अल्पकालीन प्रबज्या) यायेत्यंगु दु।

अखिल नेपाल भिक्षु महासंघ, थाई इन्डिया-नेपाल धर्मदूत व प्रबज्या नेपालं थाइल्यान्डया धम्मकाय फाउन्डेसनया ग्वाहालिं अल्पकालीन कुलपुत्र प्रबज्या कार्यक्रमअन्तर्गत भिक्षु दयेकेगु ज्याभ्वः यायेत्यःगु खः।

थाई राजकीय विहार सहआयोजक व प्रबज्या नेपालं व्यवस्थापन ज्याइव यायेत्यंगु खः। लुम्बिनी विकास कोष, नेपाल

पर्यटन बोर्ड, धर्मोदय सभालगायत संघसंस्था नं ग्वाहालिं याइगु जूगु दु। लुम्बिनीयात हलिमय् शान्ति नाप आध्यात्मिक केन्द्रया कथं प्रचार प्रसार यायेगु, मनूतय् आध्यात्मिक ज्ञान नापं चेतना वृद्धि यायेगु लुम्बिनी चाःहिका पर्यटकतय् वृद्धि यायेगु आज्जु कथं उगु ज्या जुइत्यंगु खँ थाई इन्डिया-नेपाल धर्मदूतया अध्यक्ष भिक्षु थावरं पत्रकार सम्मेलन यानाः जानकारी बियादीगु खः।

भिक्षु थावरया कथं प्रबज्या जुइपिं थ्व हे वइगु फागुन २८ गते तक नागबहालय् श्रामणेरिपंत पात्र ल्यं ७ पेज्य



नेपाली कम्युनिष्ट पार्टी

Nepali Communist Party



देश र जनताको पक्षमा लडिरहने
क. राधाकृष्ण महर्जनलाई
तारा चुनाव चिन्हमा
मतदान गरी
अत्याधिक बहुमतका साथ
बिजयी गराऔं ।



प्रतिनिधिसभा सदस्य उम्मेदवार
क. राधाकृष्ण महर्जन
 काठमाडौं क्षेत्र नं. ५
 कामपा १२, १४, २१, २२, बागसुन नम्बरो ६-१०
 चन्द्रागिरी नम्बरो १, १२-१५





नेवा: राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन भीगु लागाय भी स्वयं हे ज: जुया धुन लुइ धुन ह्यांगु भुमिइ अष्टमण्डल ह्यांगु चा: दुने थी नगु भीगु नेवा: ध्वाँय् थ्व हे ख: ज्यान भी सकस्यां छगु जातितय स्वायत्त राज्य लुइ कर्प च्वय् भिलिमिलिं राष्ट्र भ:भ: धाय्क न्ह्याके भीगु च:तिं भीगु हिं

सम्पादकीय



जाँचबुझ आयोगया प्रतिवेदन सार्वजनिक यायेमा:

सरकारं गठन या:गु जाँचबुझ आयोगं सत्य पत्ता लगे यायेगु जक मखु, लोकतन्त्रय जनतातयगु भलसा त्याकेगु नं ज्या यायेमा: । तर राज्य हे प्रतिवेदन पित बिइत आनाकानी याइगु इलय् ह्यस: जक ब्वलनी मखु समग्र सरकार नैतिकताय नं न्ह्यस: ब्वलनी ।

जेनजी आन्दोलनया भ्रूलय वंगु भदौ २३ व २४ गतेया हिंसात्मक घटना बारे छानबिन यायेत गठन या:गु गौरीबहादुर कार्की नेतृत्वया आयोगं अनुसन्धान क्वचायेके धुंक्गु दुसा सरकारं प्रतिवेदन ल:ल्हाना मका:गुयात सामान्य कथं काये मजिउ । उकिइ राज्यया मनसाय तक गम्भीर शंका यायेमा:गु अवस्था ब्वलंगु दु ।

आयोगया पदाधिकारीतयस त:क्व: तक ई फ्वंसा सरकार सुम्क च्वना: म्याद जक तनेगु ज्या यागुलि सत्य तथ्य सार्वजनिक यायेत राज्य तयार मद्दु धइगु क्यंगु दु । प्रधानमन्त्री सुशीला कार्की व गृहमन्त्री ओमप्रकाश अर्याल आयोगया प्रतिवेदन ल:ल्हाना कायेगु इच्छुक खने मद्दुगुलि अझ यक्व: गम्भीर न्ह्यस: ब्वलंगु दु ।

छाय् धा:सा आयोगं केवल सामान्य विश्लेषण याना: जक मखु १० हजार स्वयां अप्प: भिडियो फुटेज, विध्वंसय संलग्न जूपि मनु तयगु म्हासिका, राष्ट्रिय धरोहर च्याकेगु योजना तक अनुसन्धान जगु खनेदु ।

थज्या:गु सामग्री सार्वजनिक जुलकि राजनीतिक, प्रशासनिक व सुरक्षात्मक तहलय जगु आपालं कमजोरी स्पष्ट जुइगु खनेदु । थज्या:गु संवेदनशील प्रतिवेदन ल:ल्हाना: कया: सार्वजनिक यायेत ग्याना: राज्यं सत्य व न्याय बिइत छाय् ग्या:गु ख: ? उगु प्रतिवेदन निर्वाचन न्ह्य: सार्वजनिक मजुइगु निश्चित दु । थुगु प्रवृत्ति न्हगु मखु ।

न्ह्याबले त:धंगु घटना लिपा आयोग दयेकी, उकिया अनुसन्धान जुइ, तर निष्कर्ष राजनीतिक ई कथं व्यवस्थापन याइ । लिच्च: आयोगया न्याय उपकरण मखु, राजनीतिक क्षति नियन्त्रणया साधन थे खने दयाव:गु दु । गुलि ला दोष चुनावी मैदानय उम्मेदवार जुयाच्वंपिनिगु विषय नं सार्वजनिक जुयाच्वंगु दु ।

थज्या:गु अवस्थाय मतदातां सत्य सिइकेमा: । लोकतन्त्रय मत केवल अधिकार जक मखु, जानकारीया आधारय नं निर्णय जुइ । जानकारी सुचुका: निर्वाचन लोकतान्त्रिक खने दइमखु । आयोगं नागरिकतयगु असन्तुष्टि न्ह्यब्वयेमा: ।

निर्वाचनया इलय् आदिवासीया मुद्दा ल्हवनेमा:



दिलिप शाही "शांतिजजु"

निर्वाचनया ई सतिना वयाच्वंगु दु । निर्वाचन सतिना: व:लिसें निर्वाचन प्रचार प्रसारया निंतिं उम्मेदवारपिं लिलानाच्वंगु मद्दु । जेनजी आन्दोलनया कारणं निर्धारण यानात:गु इलय् निर्वाचन जुइ मजुइया दथुइ जगु थुगु निर्वाचनय फुक्क धयाथें राजनीतिक पार्टीतयसं थ:पिनिगु घोषणा पत्र सार्वजनिक यायेधुंक्गु दु । सार्वजनिक जगु घोषणा पतिइ आदिवासी जनजाति, दलित, मुस्लिम लिसें लिउने लानाच्वंगु समुदायया माग धा:सा दुथ्यानाच्वंगु मद्दु । सार्वजनिक जगु घोषणा पतिइ थ:पिनिगु मुद्दायात सम्बोधन मया:गु कारणं याना: आ: वया: थीथी समुदायं थ:पिनिगु मागयात सम्बोधन मयायेगु ख:सा निर्वाचन बहिष्कार यायेगु तकं खँ ल्हायेगु यानाच्वंगु दु ।

संविधानसभां संविधान जारी या:गु इलय् आदिवासी जनजातिया लिसे उत्पीडनय लानाच्वंगु समुदायया सम्बोधन मजु धका: विरोध यायेगु ज्या जुल । तर भुखाय ब्वया: देय् हे तहस नहस जुयाच्वंगु इलय् संविधान जारी जगुलि उगु इलय् जगु वरोध केवल विरोध जक जुल । संविधान जारी जुइधुंका: थ:पिनिगु अधिकार सम्बोधन याकेगु निंतिं गुकरथं विरोध जुइमा:गु ख: उलि जुइ मफुत । उकिया कारण धइगु त:भुखाय ब्वगुलिं ख: । तर वयां लिपा नं आदिवासी जनजातितयसं खास हे विरोधया स: थ्वयेकेगु ज्या धा:सा मजुल ।

विशेष याना: आदिवासी जनजाति महासंघं विरोधया ज्याइव: पितबीमा:गु ख: । तर आन्दोलनया ज्याइव: छुं हे मजुल । वयां लिपां थीथी प्रदेशया नां आदिवासी जनजातिया ऐतिहासिक नांया आधारय जुइमा:गु माग नं जगु ख: । तर आदिवासी जनजातिया थ्व मागयात नं राजनीतिक पार्टीतयसं वेवास्ता यात ।

न्हयगु प्रदेश मध्ये छगु मधेश प्रदेशय जक पहिचानया आधारय नामाकरण यायेगु ज्या जुल । मेगु प्रदेशया नां खुसिया नामं तयेगु यात । थुकरथं प्रदेशया नामाकरण यायेगु इवलय् कोशी प्रदेशय बाहेक मेगु प्रदेशय विरोध यायेगु ज्या मजुल । गुकिया कारणं याना: पहिचानया मुद्दा कमजोर जुजुं वन । तर थौं वया: थ्व पहिचानया मुद्दा गन थ्यनाच्वन धइगु न्ह्यस: ब्वलनाच्वंगु दु । छु आदिवासी जनजाति महासंघया लिसें देय्या थीथी जातिं आ: पहिचानया मुद्दा त्व:तगु ख:ला धइगु न्ह्यस: थन ब्वलनाच्वंगु दु ।

२०६२/६३ या जनआन्दोलन लिपा आदिवासी जनजाति संघसंस्थाया मू माग धइगु हे पहिचान सहितया राज्य पुनर्संरचना ख: । तर राजनीतिक पार्टीतयसं संविधानसभां संविधान जारी यायेगु इवलय् आदिवासी जनजातिया मागयात ह्वतय् लाकेगु ज्या यात । तर उकियात तक नं विरोधया धिसिला:गु ज्याइव: जुइ फयाच्वंगु मद्दु थुकिया कारणं मालेमा:गु अवस्था थौं जुयाच्वंगु दु ।

थौं निर्वाचन न्ह्य:ने वयाच्वंगु इलय् राजनीतिक पार्टीतयगु घोषणा पतिइ छाय् पहिचान सहितया राज्य पुनर्संरचनाया माग दुमथ्यात धइगु खँय आ: व्यापक बहस यायेगु जक मखु निर्वाचनया निंतिं भोट फवनेत वयाच्वंगु राजनीतिक पार्टीतयत न्ह्यस: तयेमा:गु अवस्था थौं जुयाच्वंगु दु । यदि थ्व इलय् भीसं थ:पिनिगु माग पूर्वके मफइगु ख:सा वा भीगु मागयात सम्बोधन याके मफइगु ख:सा भीसं

थज्या:गु बहस न्ह्या:गु खँ सकारात्मक खँ ख: । तर थुकियात आ: संस्थागत यायेगु दायित्व सुनां कायेगु धइगु न्ह्यस: थन ब्वलनाच्वंगु दु । नेपाल आदिवासी जनजाति महासंघ थौंकन्हय पंगु अवस्थाय लानाच्वंगु दु । उकरथं हे आदिवासी जनजातिइ दुथ्या:गु थीथी संघसंस्था नं पंगु अवस्थाय लानाच्वंगु महसुस आपास्यां यानाच्वंगु दु । अथे ला नेवा:तय राष्ट्रिय संगठन धयाच्वंगु नेवा: देय् दबू तकं थ्व मुद्दाय पंगु अवस्था लानाच्वंगु ख: ला धइगु महसुस नेवा: समुदायं यायेमा:गु अवस्था दु । नेवा: मुद्दायात सम्बोधन याकेगु ज्या दकलय् न्हापां नेवा: देय् दबू यायेमा:गु ख: । तर मयात । नेवा:तय चिउता: तइपिं छगु पुचल जूसां निर्वाचनय नेवा:तय स: थ्वयेकेगु ज्या जुल थुकियात च्छायेमा: । तर थुलि याना: भीगु दायित्व पूवनी धका: धायेफइगु अवस्था मद्दु । अले नेवा: न्ह्यलुवातयसं नं छगु वक्तव्य बिया: वा

थौं निर्वाचन न्ह्य:ने वयाच्वंगु इलय् राजनीतिक पार्टीतयगु घोषणा पतिइ छाय् पहिचान सहितया राज्य पुनर्संरचनाया माग दुमथ्यात धइगु खँय आ: व्यापक बहस यायेगु जक मखु निर्वाचनया निंतिं भोट फवनेत वयाच्वंगु राजनीतिक पार्टीतयत न्ह्यस: तयेमा:गु अवस्था थौं जुयाच्वंगु दु । यदि थ्व इलय् भीसं थ:पिनिगु माग पूर्वके मफइगु ख:सा वा भीगु मागयात सम्बोधन याके मफइगु ख:सा भीसं ल्हवनाच्वनागु मुद्दा फासफुस जुइगु सठभावना अप्त: दु ।

ल्हवनाच्वनागु मुद्दा फासफुस जुइगु सम्भावना अप्त: दु । अथे जुया: आ: फुक्क धयाथें आदिवासी जनजातितयसं फयां फक्क याकनं बहस सहलह याना: पहिचान सहित राज्य पुनर्संरचनाया मुद्दायात ल्हवनेमा:गु आवश्यकता थौं जुयाच्वंगु दु ।

खयत ला थीथी थासं आ: मुद्दा ल्हवनेगु ज्या शुरु जुइधुंक्गु दु । वंगु छुं हिं न्ह्य: जक गोरखाया बराम समुदायं उम्मेदवारतयसं थ:पिनिगु मागयात सम्बोधन मयायेगु ख:सा निर्वाचन बहिष्कारया घोषणा यायेधुंक्गु दु । बराम समुदायं सर्वोच्च अदालतया निर्देशनात्मक आदेश कथं थ:पिनिगु बाहुन्यता दुगु गोरखा जिल्ला विशेष, संरक्षित वा स्वायत्त क्षेत्र दयेकेगु प्रतिवद्ध पत्र च्चका: जक निर्वाचनय मतदान यायेगु खँ धा:गु दु । उकरथं हे नेवा: न्ह्यलुवातयगु छगु मुँज्यां नं थीथी भीगु बुँदे माग सम्बोधन याइगु राजनीतिक पार्टीतयत मत बीगु खँ धा:गु दु । उकरथं हे आदिवासी जनजातिया छगु पुच: 'इन्डिजिनियस पिपुल्स कलेक्टिभ इनिशियटिभ्स' नांगु संस्था नं छगु सार्वजनिक अपिल जारी याना: आदिवासी जनजातिया मू मागयात सम्बोधन यायेमा:गु खँ धा:गु दु ।

निर्वाचन न्ह्य:ने व:लिसें

छगु माग पत्र न्ह्यब्वया: थ:गु दायित्व पूवन धका: सुम्क च्वनेगु उचित मखु । आ: नेवा: न्ह्यलुवातय दायित्व धइगु सुम्क च्वनाच्वंगु नेवा: देय् दबूयात थनेगु ख: । नेवा: देय् दबू नेवा:तय राष्ट्रिय संगठन ख: । अले थुकिया देयन्त्यं सञ्जाल दु । थ्व सञ्जालयात जक सक्रिय यायेगु ख:सां नं आ: वया: भीसं फुक्क धयाथें राजनीतिक दलतयत दबाब बीफइगु अवस्था दु । मखु वर्तमान चुनावय नेवा: देय् दबू सुम्क च्वनेगु ख:सा भीसं थज्या:गु संस्थाया औचित्ययात कया: नं न्ह्यस: ब्वलनेफु ।

थौंया आवश्यकता नेवा: देय् दबू चुनावया इलय् थ:गु स्पष्ट धारणा पित बीमा:गु दु । मखु थज्या:गु इलय् नेवा: देय् दबू भूमिका बिहिन जुयाच्वनेगु ख:सा देय् दबूया औचित्य छु धइगु न्ह्यस: ब्वलनेफु । छु गज्या:गु इलय् गज्या:गु कथंया आन्दोलन वा दबाब बीगु धइगु बारे भी सकस्यां सिउ तर उकियात ग्वाकेगु ज्या धिसिलाकक जुयाच्वंगु मद्दु । इलय् थ्व ज्यायात भीसं तिव्रता बीमफुत धा:सा भी हाकनं द्वापं च्वने मालेफु । थ्व खँय नेवा: देय् दबू बिचा: यायेमा:गु आवश्यकता थौं जुयाच्वंगु दु । यदि इलय् प्रहार मयायेगु ख:सा भीगु आन्दोलनया औचित्य नं मदयेफु ।

कलियुग चिडके नु, सत्य युग ह्येनु : डा. पञ्च कुमारी मानन्धर

यै क्षेत्र नम्बर ९ पाखे स्वतन्त्र उम्मेदवारी बियादीम्ह वरिष्ठ अर्थशास्त्री डा. पञ्चकुमारी मानन्धर न्हू पुस्ता अर्थात् जेन-जीया म्हगस साकार यायेगु वैकल्पिक नीति व दृष्टिकोण ज्वना: चुनाव्य कुहां भा:गु दु। शिक्षा, स्वास्थ्य, आर्थिक संरचना व शासन प्रणालीइ आमूल हिउपा:या एजेण्डा ज्वना: चुनाव्य कुहां भा:मह वयक: लिसे समसामयिक राजनीतिक विषयस यानागु खँलाबल्हा

❖ छिगु मू चुनावी नारा 'कलियुग चिके नु, सत्ययुग ह्ये नु' थुकिं छु संकेत याइ ?

थुगु नारा प्रतीकात्मक जक मखु, नीतिगत हिउपा:या घोषणा पौ ख:। थौया अवस्थाय

शिक्षा, स्वास्थ्य व कानुनी सेवा व्यवसाय जुइधुंकूगु दु। थुकिं असमानता अप्वयेकूगु दु। सत्ययुग धइगु पारदर्शिता, समान ह्व:ता: व आधारभूत सेवाय राज्यया पूर्ण जिम्मेवारी स्थापित यायेगु युग ख:।

❖ छिभं ३ करोड नेपा:मितयत नि:शुल्क स्वास्थ्य, शिक्षा व कानुनी सेवा वीगु प्रतिवद्धता प्वंकादीगु दु। थव गुकथं सम्भव दु ?

सम्भव छ, यदि माफियागिरी अन्त्य यायेगु ख:सा थौकन्हय थव क्षेत्रय असंगठित निजीकरण खर्च अप्वयेकूगु



डा. पञ्चकुमारी मानन्धर, प्रतिनिधिसभा सदस्य
यै क्षेत्र नं. ९ पाखे प्रत्यक्ष उम्मेदवार, स्वतन्त्र।

दु। राज्य नियमन याना: सार्वजनिक सेवा प्रणाली धिसिलाकल धा:सा लागत म्हो जुइ व पहुँच अप्वइ। थव खर्च मखु, दीर्घकालीन लगानी ख:।

❖ विदेश पलायन पनेत भर्तिकल फार्मिडपाखे ४०-५० लाख रोजगारी ब्वलंकेगु योजना गुलितक व्यवहारिक दु ?

नेपा:या भू-आकृति व आयात निर्भरता स्वयेबलय शहरी कृषि मा:गु

दु। भर्तिकल बुँज्यां खाद्य सुरक्षा व रोजगारी निगुलिं बी। थुकिं विदेशय च्वपिं नेपा:मितयत स्वदेश लित हयेत आर्थिक आधार तयार याइ।

❖ स्वनिग:या प्रदूषण म्हो याना: एशियाया हे सफा शहर दयेकेगु योजना छु ख: ?

हामी 'ध्यचप धत्तजप्ल ध्वपिप्लन म्फकतबलअभ' नीति हयेगु जुइ। थुकिया अर्थ ज्या, सेवा व च्वनेगु

थाय सती कथं शहरी पुनर्संरचना यायेगु जुइ। थुकिं ७० प्रतिशत ट्राफिक जाम म्हो यायेत ग्वाहालि याइ, प्रदूषण म्हो याइ व जलवायु संकटलिसे ल्वायेत ग्वाहालि याइ।

❖ छि बिना फोन व इन्टरनेट चले जुइगु क्यूआर कोड प्रणालीया खँ धयादीगु दु। थुकिं छु हिउपा: हइ ?

थुकिं डिजिटल पहुँच मडुपिं जनतायात न वित्तीय प्रणालीइ स्वाइ। पूर्ण क्यासलेस अर्थतन्त्र भ्रष्टाचार म्हो याइ पारदर्शिता अप्वइ।

❖ सहकारी पीडितया ध्यबा लित वीगु व बैकिङ सुधार गुकथं सम्भव जुइ ?

कडा नियमन व पारदर्शी लेखापरीक्षण सम्भव जुइ। वित्तीय अनुशासन स्थापित यायेधुंका: दैय ५००-७०० अर्ब तका राष्ट्रिय आम्दानी अप्वइगु सम्भव दु।

❖ विकेन्द्रीकरण व स्वनिग:या जनसंख्या म्हो यायेगु योजना छाय मा:गु ?

अत्यधिक केन्द्रकरण वातावरणीय व भौगोलिक जोखिम अप्वया वनाच्वंगु दु। अनुसन्धान केन्द्रयात देय्यक न्यका: रोजगारी व अवसर विकेन्द्रीकरण यायेफइ। थुकिं जमिन भासे जुइगु जोखिम म्हो याइ व भुखाय ब्वइबलयया तयारीया निर्ति

ग्वाहालि याइ।

❖ छिगु दृष्टिइ अर्थतन्त्रया दीर्घकालीन दिशा छु ख: ?

आयात म्हो यायेगु, निर्यात अप्वयेकेगु व लुँ वह: थेंज्या:गु सम्पत्ति व्यवस्थापनय सरकारी नियमन मा:गु दु। मुद्रा स्थिरता व उत्पादनमुखी अर्थतन्त्र हे भविष्य ख:।

❖ महामारी पनेत छिगु योजना बिस्कं खनेदु। थुकिया बारे छु धयादी ?

पोस्ट-एन्टिबायोटिक युग त:धंगु खतरा ख:। अथेजुया: लाथेपाथे एन्टिबायोटिक मीगु ज्या दिकेमा:। प्रत्येक वडाय नि:शुल्क इएम क्लिनिक थापना यायेमा:।

❖ जेन-जीयात लक्षित छिगु मू सन्देश छु ख: ?

भविष्य छिकपिनिगु ख:। यदि नीति निर्माणय न्हूगु सोच मन्त धा:सा हिउपा: सम्भव मडु। अथेजुया: वैकल्पिक दृष्टिकोणयात समर्थन यानादिसँ।

❖ अन्त्यय, मतदातातयत छु धयादी ?

नेपा:या विश्वगुरू दयेकेत आर्थिक क्रान्ति आवश्यक दु। उकिया निर्ति शिक्षा, स्वास्थ्य व कानुनयात अधिकारया रूपय स्थापित यायेमा:। जेन-जीया म्हगस साकार यायेत तिकिइयालय्य मत बियादिसँ।

नेपा:यात नेपा: दयेकेगु ख: सिंगापुर वा स्वीट्जरल्याण्ड मखु : अमिन रत्न

प्रगतिशील लोकतान्त्रिक पार्टीपाखे यै क्षेत्र नम्बर ७ या उम्मेदवार अमिन रत्न ताम्राकार लिसे जूगु खँलाबल्हा।

❖ छि छम्ह गैरराजनीतिक व्यक्ति छाय निर्वाचनय उम्मेदवारी बियादीया ?

जि गैरराजनीतिक व्यक्ति मखु। जि २०६२/६३ या आन्दोलन लिपा माओवादी थीथी मजदुर संगठनय च्वना: ज्या यानागु ख:। उगु इलय जि माओवादीया स्वंगू मजदुर संगठनया अध्यक्ष जुया: ज्या यानागु ख:। अथे जुया: गैरराजनीतिक व्यक्ति मखु। मेता खँ डा. बाबुराम भट्टराई माओवादी पार्टी त्व:ता: नयाँ शक्ति नीस्वना: न्हूगु राजनीतिक पार्टी चायेकेगु इलय जि न छम्ह संस्थापक ख:। नयाँ शक्ति पार्टी स्थापनाकालिनिसँ जि निरन्तर पार्टी दुने सक्रिय जुयाच्वनागु दु। थव ल्याखँ न जि गैर राजनीतिक व्यक्ति मखु।

❖ तर छित: जनतां उकि म्हसिउ थें मता:। छि निर्वाचित जुइगु आधार छु ?

जि सन् २००४ निसँ सम्पदा सम्बन्धी ज्या याना वयाच्वनागु ख:। थापाथली निसँ टेकु तकया बागमती खुसि ज:ख:या सम्पदाया संरक्षण सम्वद्धनया ज्या जि याना वयाच्वनागु दु। गन तक जित: म्हमसिउ धइगु खँ दु। जिगु क्रियाशील जुयाच्वनागु क्षेत्रय जित: म्हसिउ। अफ त्वाल्य न जि थ:गु हे कथं ज्या याना वयाच्वनागु दु। जि निर्वाचित जुइगु आधारया खँ ल्हायेगु



अमिन रत्न ताम्राकार, प्रतिनिधिसभा सदस्य

यै क्षेत्र नं. ७ पाखे प्रत्यक्ष उम्मेदवार, प्रगतिशील लोकतान्त्रिक पार्टी

ख:सा निर्वाचनय पार्टीया मुद्रा छु ख: धका: जनतां स्वइगु ख:। अले जि राजनीति यानाच्वनागु पार्टी स्थापनाकालिनिसँ सुशासन, समृद्धि, स्वशासन, समावेशी व भ्रष्टाचार विहिन नेपा:या परिकल्पना याना वयाच्वंगु पार्टी ख:। अथेजुया: जित: ता: जनतां थव पार्टीयात थ:गु अमूल्य मत बी।

❖ यदि छि निर्वाचित जुल धा:सा छिगु निर्वाचित क्षेत्रय छु यायेगु योजना दु ?

जिगु निर्वाचन क्षेत्र धइगु यैया

कोर एरिया निसँ रिडरोड पिने न ला:। यैया कोर एरियाय आपाल पर्यटकीय थाय दु। उकियात माक्व: प्रचार प्रसार जुयाच्वंगु मडु। जि छम्ह पर्यटन व्यवसायी न जूगु कारण याना: यैया ऐतिहासिक व धार्मिक क्षेत्रयात प्रवर्द्धन याना: पर्यटक हवया रूपय विकास याये फइ धइगु जिगु बिचा: ख:। अले उकथं हे योजना दयेकेगु ज्या जि यायेफु धइगु विश्वास दु। उकथं हे भीगु ऐतिहासिक थाययात विदेशी पर्यटक च्वनीगु कथं होमस्टेया व्यवस्था याये

फइगु सम्भावना दु। यदि थव थाय यात होमस्टे कथं विकास यायेफत धा:सा थन रोजगारया ह्व:ता: चूलाइ। थुकिं स्थानीय रोजगार प्रवर्द्धन यायेत ग्वाहालि जुइ।

❖ निर्वाचनया इलय नेपा:या विकास यायेगु मोडलया खँ ल्हायेगु यानाच्वंगु दु। थुकी छिगु बिचा: छु गथे दु ?

ख: निर्वाचनया इलय राजनीतिक पार्टीतयसं नेपा:यात सिंगापुर वा स्वीट्जरल्याण्ड दयेकेगु धका: धायेगु यानाच्वंगु दु। तर जिगु बिचा: धा:सा पा:। भीसं नेपा:यात स्वीट्जरल्याण्ड वा सिंगापुर दयेकेगु मखु। भीगु थ:गु हे मोडेलया नेपा: दयेकेगु ख:। नेपा: स्वीट्जरल्याण्ड स्वयां म्हो मजू। पहाडया खँ ल्हायेगु ख:सा नेपा: स्वीट्जरल्याण्ड स्वयां आपाल बांला:। अथेजुया नेपा:यात पिनेया देश थें मखु नेपा: हे दयेकेमा:। अप्व: स्वयां अप्व: पर्यटन दुकायेगु योजनामा:। तर नेपा:या राजनीतिक पार्टीतयसं पर्यटन विकासया निर्ति खास हे ज्या यानाच्वंगु मडु। नेपा:या थीथी पर्यटकीय क्षेत्रयात प्रवर्द्धन यायेगु जक ज्या यायेगु ख:सां न थन आपाल पर्यटक वइगु सम्भावना दु। अथेजुया: विकास निर्माणया मोडेल विदेशी मखु स्वदेशी हे दयेकेमा:।

छिगु निर्वाचन क्षेत्रय आपाल पुलांगु राजनीतिक पार्टीतयसं न उम्मेदवारी बियाच्वंगु दु। छित: जनतां मत बी धइगु आधार छु ख: ? ख: थन थीथी राजनीतिक

पार्टीतयसं उम्मेदवारी बियाच्वंगु दु। तर पुलांगु राजनीतिक पार्टीतयत जनतां विश्वास मयाये धुंकूगु अवस्था आ: दु। अथेजुया: न्हूगु बिचा: व न्हूपित मत बीमा: धका: जनतां धायेगु यानाच्वंगु दु। अले प्रगतिशील लोकतान्त्रिक पार्टीया संरक्षक डा. बाबुराम भट्टराई न्हापांखुसी आ: पुलांगु विचारधारां राजनीतिक याना: मजिल थुकिं नेपा:या विकास याये फइमखु धका: तत्कालीन इलय नयाँ शक्ति पार्टी स्थापना या:गु ख:। तर थीथी कारण याना: नयाँशक्ति पार्टी निर्वाचनया इलय माक्व मत हये मफुत। तर डा. बाबुराम भट्टराईया विचारधारा अफ न न्हूगु हे तिनि। अथेजुया: जनतां जित: मत बी धइगु विश्वास यानाच्वनागु दु।

थुगु वा:पौ पाखे जनतायात छु धयादी ?

जि थ:गु भिजन सहित निर्वाचनय कहां वयागु ख:। अथेजुया: जिमिगु पार्टी नालाच्वंगु भ्रष्टाचार रहित सुशासनया खँयात जनतां थुइका: जित: मत बीत इनाप यानाच्वना। भिजन मडुगु पार्टीया उम्मेदवारं देय्यात पाय छिगु थासय यंके फइमखु धइगु खँ जनतां न थू। अथेजुया: जि जिगु निर्वाचन क्षेत्रया जनतायात इनाप यानाच्वना कि वइगु निर्वाचनय थ:गु अमूल्य मत बियादिसँ। अले थ:गु थाय विकास यायेगु निर्ति थ:गु हे क्षेत्रया उम्मेदवारयात त्याकादिसं धका: इनाप यानाच्वना।

मिसातय् आत्मनिर्भर दय्केगु नितिं ज्याइवः न्ह्याकेमाः : राजभण्डारी

॥ छिं यँया द नम्बर क्षेत्र उम्मेदवारी बियादीगु दु। छिगु उम्मेदवारी छाय् खः ?

जि थनया स्थानीय बासिन्दा खः, वयां लिपा नेवाः म्प्याय् मचा जूगुलिं दकलय् न्हापां द नम्बर क्षेत्रया जनता लिसे सतिक च्वनाः जिं न्हापा नं ज्या यायेधुनागुलिं स्थानीय जनतायात थुइकेगु ह्वःताः चूलाकूगु दु। जिं थ्वहे निर्वाचन क्षेत्र निक्कःतक त्यायेधुंकूम्ह नविन्द्रराज जोशीया जहान नं खः। वय्कःया लिसे थनया जनता लिसे न्ह्यावलें इन्टरएक्ट जुयाच्चंगुलिं थनया खँ थुइकेगु ह्वःताः चूलात। निरगूगु खँ थनया संस्कृति नं जिं थू थनया समस्या नं जिं थूगुलिं थनया विकास निर्माण निसें फुक्कं जनताया भावनायात थूगुलिं जिगु उम्मेदवारी खः।

॥ वंगु इलय् प्रतिनिधिसभा निर्वाचनय् नं समानुपातिक सांसदया रूपय् दुगु खः। उगु इलय् छिं यानादीगु उपलब्धी मूलक ज्या धायेमाल धाःसा छुकियात धयादी ?

उपलब्धी मूलक ज्या धायेबलय् मुद्दायात कयाः आपालं ज्या यानागु दु। विकास निर्माणया खँ ल्हायेगु खःसा गीतामाता स्कुलयात जिमिसं बजेट तयावियागु खः। अन १५



सपना राजभण्डारी जोशी, प्रतिनिधिसभा सदस्य यँ क्षेत्र नं. ८ पाखें प्रत्यक्ष उम्मेदवार, नेपाली काँग्रेस

वडां ज्या जुयाच्चंगु दु। उकथं हे नागार्जुनय् लँ दयेकेगु नितिं बजेट तयावियागु खः। वा वइगु इलय् विष्णुमती खुसि वाः वयाः जनतायात

समस्या जुयाच्चंगु खःसा अन रिटेलिडवाल दयेकेत उकिया नितिं जिं स्वंगू करोड बजेट तयावियागु खः। उकथं हे शान्ति निकुञ्ज

विद्यालयया नितिं नं बजेटया व्यवस्था याना वियागु दु।

॥ यँ द नम्बर क्षेत्र सम्पदा क्षेत्रया रूपय् म्हसिउ। सम्पदा क्षेत्रय् छिं छु ज्या यानादीगु दु ?

जिं आः तक ज्या यानागु क्षेत्र सम्पदाया मखु। उकिया बारे थम्हं खँ ल्हायेगु नं पाय्छि जुइमखु। मरुसतः चायेकेमाः धकाः जिं तःक्वः सदनय् न्ववानागु दु। मेता खँ यँयाःया इलय् जिं समन्वय यानागु दु। जिं यँयाःयात कयाः गुथिया बारे हल्लोक आकाश भैरवया भिनिदँया जात्राय् यायेगु नितिं नं भूमिका म्हितागु दु।

॥ छिं छम्ह मिसा जुयादी। मिसातय् हकहित व अधिकारया नितिं छु यानादीया ?

मिसातय् हकहितया नितिं सः थ्ययेकेगु ज्या यानाच्चनागु दु। आः तक जिं मिसात आत्मनिर्भर जुइमाः व आत्मसम्मानया लिसे म्वायेगु अधिकार दयेमाः धकाः धयाच्चनागु दु। लिसें मिसातय् आयस्रोत थकायेगु नितिं व आत्मनिर्भर जुइगु नितिं जिं थाय् थासय् सः थ्ययेकेगु यानाच्चनागु दु। उकथं हे मिसातय् नितिं स्थानीय तहलय् थीथी प्रशिक्षण जुइ। उकथं हे न्हापा संसदया उद्योग समितिइ नं न्हापा च्वनागु जूगुलिं उद्योग

विभागं प्रशिक्षण वीगु याः खनी। तर उत्पादन जूगु सामानया धाःसा थाय् मदइगु जुयाच्चन। अथेजुयाः अज्याःगु सामान मीगु व्यवस्था यायेत, उकियात बजारीकरण यायेत नं छगू प्लेटफर्म दयेमाः धकाः जिं तःक्वः धयागु दु। आः नं जिं यायेगु जुइ। जिं जिगु अवधारण पतिइ नं थ्व खँ न्ह्यथना तयागु दु। मेता खँ भ्रष्टाचार व सुशासनया सः थ्ययेकाः गुगु आन्दोलन जुल। उकिया लिच्चः कथं आः चुनाव जुइत्यंगु दु।

॥ थुगु निर्वाचनय् छिं विजयी जुल धाःसा वयालिपा युवातय्गु नितिं छिं छु गज्याःगु ज्याइवः हयादी ?

युवात आपालं विदेशय् वनाच्चंगु खँ ला सकस्यां सिउगु हे खँ जुल। उमिगु नितिं रोजगारया व्यवस्था यायेमाः। उमित अवसर बीमाः। आः आइटीया जमान दु, स्टार्ट अपया खँ वयाच्चंगु दु। उमित गुकथं प्रोत्साहन यायेगु धइगु खँ वइ। थुकी जिमिसं छु धाये धाःसा जिपिं नेपाली काँग्रेस 'हिलेधुन काँग्रेस, आः देश हिलेगु जुइ' धइगु नारा बियाच्चनागु दु। अथेजुयाः सिमा चिंलय् छाप तयाः अत्यधिक मतं त्याकादीत सकसितं इनाप यानाच्चना।

नेकपा एमालें १३८ सिट हयाः सरकार दयेकी : प्रकाश श्रेष्ठ

छिगु उम्मेदवारी छाय् ?

प्रदेश सभाय् जि निक्कः त्याकाः ज्या यानागु दु। च्यादँया दुने जि छक्कः उद्योग बाणिज्य भूमि सुधार मन्त्रि व छक्कः कृषि मन्त्रि जुयाः ज्या यायेगु ह्वःताः चूलात। जि मन्त्री जुयागु इलय् हे बागमति प्रदेशय् ऐन कानुन दय्केगु, तामाङ्ग भाय् व नेपालभाषाया विधेयक पास यानाः कानुनि ख्यः, सांस्कृतिक क्षेत्र भौतिक क्षेत्रय् जिं ज्या यानागु दु। नेपाःया संविधान २०७२ व संघिय लोकतान्त्रिक गणतन्त्र हय्त सकल मतदातापिनि साथ कयाः समृद्ध नेपाल दय्केत नेकपा एमालें २०४२ सालनिसें आतक निरन्तर न्ह्यज्यानाच्चनागु दु। नेकपा एमाले छगू थुज्वःगु पार्टी खः, गुगु पार्टीया विचार व दृष्टिकोणं यानाः हे थनतक थ्यंगु खः। उकिं एमालें थुगुसीया चुनाव नं त्याके माः। बहुमत हयाः त्यात धाःसा जक थ्व देसय् जनतां धाःथें जुइफइ।

॥ छिगु कार्यकालय् जूगु मूम् उपलब्धी छु खः ?

जि उद्योग मन्त्रि जुयाच्चनागु इलय् जितः कानुन पास याये तसकं थाकुल। सरकारय् दुगुलिं सकसियां ग्वाहालि कयाः जिपिं सांसदपिसं ज्या यायेत ताःलाका। व बोहेक पुर्वाधारविकास यायेत ६६ गू निर्वाचन क्षेत्र, ११९ पालिका ११२१ वडाय् गुकथं विकास यायेबलय् बागमति प्रदेश विकास जुइ। भी सकल जनताया सुभाव नं कया। थ्वहे कथं शिक्षा क्षेत्रय् छु यायेमाल, स्वास्थ्य क्षेत्रय् छु यायेमाल, खानेपानि क्षेत्रय् गुकथं ज्या यायेमाः धकाः वःगु सुभावात मुंकाः

सम्बन्धित मन्त्रालयपाखें बजेट छ्वयेगु ज्या याना। ११९ पालिकाय् बागमति प्रदेशं यक्व बजेट छ्वयागु दु। प्रहरी ऐन व शिक्षक ऐन कानुन मदुगुलिं उगु ख्यलय् उलि ज्या याये मफुत। बागमति प्रदेशपाखें यक्व बांलाःगु ज्या जूगु दु।

॥ नागार्जुन नगरपालिकाय् नेपालभाषा व नेपाल संवत्यात मान्यता मब्यूगु खँय् छिगु छु धारणा दु ?

नेपाल भाषा व तामाङ्ग भाषा सरकारी ज्याखँया भाय् जुइगु ऐन प्रदेशं पास जुल व प्रत्येक पालिकाय् छ्यलेगु नितिं राजपत्रय् अंकित जुल। थ्व राजपत्रय् अंकित जूगु कानुन फुक्क पालिकाय् कार्यान्वयन यायेत थःथःगु पालिकां भूमिका म्हितेमाः। पालिकापाखें भूमिका म्हितेमाःकथं ज्या जुयाच्चंगु दु। नागार्जुन नगर पालिकाया कार्यवाहक प्रमुख शुशिला अधिकारी नं जिगु हे पार्टीइ आवद्ध दु। थुकिया नितिं सरसल्लाह जुयाच्चंगु दु। थ्व समस्या चाहिं याकनं समाधान जुइ। लिसें मेमेगु पालिकाय् नं थुकिया निरन्तरता बीत जिं पहल यायेगु जुइ।

॥ छिं निर्वाचित जुइधुंकाः छु ज्यायात प्राथमिकता बियादी ?

धर्म संस्कृति नेवाःतय्गु सम्पदा बाजागाजा दु। न्हू.पुस्तायात बाजागाजा स्पेनेगु बाजा पुस्तारण यायेगु, देगः पूर्ण निर्माण याय्गु धर्मसंस्कृतिया सवालय् बजेट नगरपालिकापाखें तय्केगु जुइ। लिसें नगरपालिकाया बजेट मगाइगु जुल धाःसा प्रदेश व अनं नं बजेट मगाःसा संघपाखें बजेट व्यवस्था याकेगु जुइ। स्वंगुलिं थासं धर्मसंस्कृतिया नितिं ज्या याना वनेगु खः। भीगु थासय्



प्रकाश श्रेष्ठ, प्रतिनिधिसभा सदस्य यँ क्षेत्र नं. ७ पाखें प्रत्यक्ष उम्मेदवार, नेकपा (एमाले)

दुगु मिसा पुचः, ल्याय्म्ह पुचःपाखें न्ह्याकावयाच्चंगु ज्यायात व्यवस्थित याका यंकेगु जिगु प्राथमिकता जुइ।

॥ सुशासन व भ्रष्टाचार निवारणया नितिं छिं गुकथं ज्या यानादी ?

ल्याय्म्हतय्गु सः सुसासन दिगो विकास लजगाःया सृजना खः। विदेशय् वनाः ज्या याये म्वाःलेमा धइगु आशा खः। भाद्र २३ गतेया आन्दोलनय् जेन्जीपिसं सिमाया छगू कचा नं त्वःथुले मखु धाःगु खः। तर आन्दोलन

न्ह्याये धुंकाः छु जुल ? थुकिया लिच्चः छु जुल, न्यायलय, शान्ति सुरक्षा वीगु प्रहरी चौकि, नेतातय्गु छँ व्यवसाय च्याकल। आन्दोलन जुइ न्ह्यः सिंह दरवार च्याकेमाः धकाः सुनां धाल धकाः सकसिनं स्यू। ल्याय् म्हतय्सं जायज माग तयाः याःगु राखि आन्दोलन खः। तर सरकारलिसे च्वनाः गुकथं माग सम्बोधन याकेगु धइगु खँ संविधान संशोधनपाखें याये फइगु खः तर विकृति विसंगति दुहाँवःगुलिं थ्व आन्दोलन गलत

दिशाय् वंगु खः। खास यानाः थ्व चुनाव २०८४ इ जुइमाःगु खः २०८२ इ जुयाच्चंगु दु। थ्व चुनाव आः छाय् जुयाच्चन धकाः सकसिनं सि हे स्यू। देय्यात निकास बीत सरकार माः। संसदय् बहुमत हयाः बहुमत स्थापित यायेमाल। फुक्क ल्याय्म्हतय्गु चाहना स्थायी सरकार खः नि स्थाई सरकार जुइत १३८ सिट त्यायेमाः। १३८ सिट हयेत आः हे ज्या न्ह्याकाच्चनागु ल्याखं नेकपा एमाले हे जक खः। नेकपा एमालें १३८ सिट हयाः सरकार दयेकी। थथे मजुल धाःसा हाकनं छगू सरकार दय्केत गुलिसितं ५ सिट वीगु, गुलिसितं १० सिट वीगु याय् माल धाःसा स्थायी सरकार दय्के फइमखु। स्थाई सरकार मदुतले दिगो विकास जुइमखु। रोजगार मुलक ज्या याये फइमखु। शान्ति सुरक्षा कायम याये फइमखु। उकिं देसय् सुसासन व दिगो विकासया नितिं नेकपा एमालेयात सुर्य चिन्हय् छाप तयाः त्याकाबीत सकल मतदातापिके एमाले व जिगु इनाप दु।

॥ छिगु चुनावी माहौल गथे जुयाच्चंगु दु ?

जिगु चुनावि माहौल तसकं बांलाः। जि त्या हे त्याइगु सुनिश्चित दु। जि दुक्क दु। छाय् धाःसा जिं ७४ व ७९ सालय् जिं यानागु ज्या, नेता, कार्यकर्ता व जनतां विश्वास याइकथं ज्या यानागु दु। प्रदेशसभां याये मफु ज्या प्रतिनिधि सभापाखें याये धकाः जि न्ह्याः वयागु दु। आः न्ह्यानाच्चंगु ज्यायात निरन्तर न्ह्याकाः ल्यं दुगु ज्यायात प्रतिनिधिसभापाखें न्ह्याका यंकेगु जिगु मन्तुना दु। सुभाय्।

जनताया सः संसदय् थयंकेत जिगु उम्मेदवारी : राधाकृष्ण

छिगु उम्मेदवारी छाय ?
जिगु उम्मेदवारी सामाजिक बेथिति व अस्थिर सामाजिक व्यवस्था गुगु थौयागु अवस्था खः। उकियात व्यवस्थित यायेत, गणतन्त्रयात संस्थागत यायेत खः। अले मू खँ जनताया सःयात संसदय् थयंकाः जनजीवनयात सहज दयेकेगु नितीं जिगु उम्मेदवारी खः।

छिगु तयारी गुकथं जुयाच्वंगु दु ?

तयारी बां हे लाः धाये माः। जनताया छँय् छँय् वनाः जिं थःगु एजेन्डात न्हयब्वयाच्वनागु दु। जिगु निर्वाचन क्षेत्र दुने लाःगु लगभग फुक्क थासय् वनाः थःगु खँ तयागु दु। मतदातापिसं न्यंगु न्हयसःया लिसः बियाच्वनागु दु। जिं जनतायात थःपिनि एजेन्डा थुइकेगु ज्या यानाच्वनागु दु।

मतदातापिनिपाखें गुज्वःगु लिच्वः वयाच्वंगु दु ?

उत्साहित जुयादी मतदातापिं, वय्कःपिनि दथुइ वनाः वय्कःपिन्त नमस्कार यानाः जिं मत फवना च्वनागु दु। वय्कःपिसं बियादीगु प्रतिक्रियात सन्तोषजनक जू। वय्कःपिसं यक्व खँ थुइके चाहे जूगु खना। आःया निर्वाचनय् मतदातापिसं तदारुकता क्यनाच्वंगु दु थें जितः ताः।

भाद्र २३ गतेया जेन्जी आन्दोलनलिपा जुइत्यंगु थुगु चुनावय् युवातयु प्रतिक्रिया गुज्वःगु वयाच्वंगु दु ?

वंगु भाद्र २३ गते जूगु जेनजी आन्दोलनया सन्दर्भय् खँ ल्हायेगु खःसा उगु इलय् ल्याय्महत तम्वःगु खः। ल्याय्महतय्सं खँ मथुयाच्वंगु खः व छूकथं स्वयेगु खःसा ल्याय् महतयत् उक्सय् याःगु खः। उबले आन्दोलनयाःपिसं ल्हवंगु मुद्दात प्रत्यक्ष निर्वाचित कार्यकारी, सुशासनया नितीं भ्रष्टाचार नियन्त्रणया खँत न्हापानिसें हे नेपाली कम्युनिस्ट पार्टीया श्रद्धेय नेतापिं सरकारय् दुगु इलय् न्ह्याकादीगु ज्या खः। वय्कःपिं भ्रष्टाचार याःपिन्त थःगु हे पार्टीया कार्यकर्ता जूसां मत्वःतू। अले भ्रष्टाचारया फाइल धमाधम चायेकूबलय् शीर्षनेतापिन्थाय् तक थ्यनीगु खनेवं चांचा राजनीतिक दाउ म्हिताः सरकारयात क्वःथःगु सुनां नं मस्युगु खँ मखु। भ्रष्टाचार नियन्त्रण व सुशासनया नितीं न्ह्याकूगु पलाः दिकेगु नितीं हे तत्कालीन प्रचण्ड नेतृत्वया सरकारयात क्वःथःगु खः। गुकिं जेनजी पुस्ताय् असन्तुष्टीयात

भन् अप्वय्का बिल। गुगु जेनजी आन्दोलनय् व्यक्त जूगु दु थ्व अर्थय् भीसं ल्हवनागु मुद्दात, भीसं ल्हवनागु विषयया आवश्यकताया महसुस उगु आन्दोलन याःगु दु। उकिं न्हू युवा पुस्तातय्सं थ्व खँ बुलुहुं थुइका वयाच्वंगु दु। नेपाःमिपिन्त जिमिसं थ्व खँ थुइकेत ताःलानाच्वंगु जिं तायेकागु दु। उकिं थ्व चुनाव छू न्हूगुकथंया आन्दोलन खः, थुगु आन्दोलय् ब्वति कायत सकल ल्याय्मह पुस्तायात जिं इनाप यानाच्वना।

थ्व निर्वाचन गुज्वःगु लिच्वः हइगु छिं तायेका दिया ?

थुकिं हइगु लिच्वः बां हे लाइ धइ थें जितः ताः, थौकन्हय् छथ्वः माःगु स्वयां अप्वः तीतिं न्ह्याच्वंगु दु, उमित नं साइजय् हयाबी अले धात्थें हे थौया आवश्यकता छु खः धइगु जनता बांलाक थुइके धुंक्गु दु। आः वय्कःपिसं नं थ्व मखु, थ्व मुद्दा चाहिं पाय्छि खः धइगु खँ थुइके धुंक्गु दु। थ्व स्वयां न्हयः लिपांगु संसदीय अभ्यासय् म्हिगः थें एकदम अस्थिर जुइ धकाः जिं तायेकागु महु। आःया संसद निश्चित रूपय् स्थिर जुइत बाध्य नं जुइ, ई व परिस्थिति। आः जनता दने धुंक्गु दु। म्वाःमदुगु व बेतुकया खँ ल्हाइगु पार्टीयात निश्चित रूपय् कारबाही, निश्चित रूपय् जनदवाबत सिर्जना यानाः जूसां नं थासय् हइ। ल्यं दुगु सकतां बां हे लाइ धइगु खँय् जि आशावादी दु। बां हे लाना वनी धइगु जितः ताः।

यँया ९ नम्बर क्षेत्र ला एमालेया शक्तिशाली क्षेत्र धाइ। थन छि त्याइगु आधार छु खः ?

खयत ला म्हिगः जेनजीया आन्दोलन जुइ स्वयां न्हयः नं दुई तिहाईया सरकार दुगु खः। जब जनता असन्तुष्ट जुयाः म्हिगः उमिसं ल्हवंगु मुद्दात, उमिगु गतिविधित स्वयाः असन्तुष्ट जुइधुंकाः दुई तिहाईया सरकार नं ला निन्हु हे ढले जूगु खः। खः म्हिगःया दिनय् थ्व थासं तत्तत् पार्टीया उम्मेदवारपिसं त्याकूगु खः। थथे त्याना वंमह उम्मेदवारपिनिगु हे दलया नेतृत्वय् सरकार दयेकूगु नं खः। उगु इलय् थनं त्याना वीपिसं छु यात ले ? उगु सरकार ला क्वःदल। छाय् धाःसा वय्कःपिनिगु खँयात जनतां थुइके धुंक्कल। उकिं आःया दिनय् थ्व लागाय् नं जेनजी आन्दोलनय् ब्वलंगु मुद्दातयगु आवश्यकता ला महसुस याःगु हे दु, अले भीसं, भीगु पार्टी नेपाली



राधाकृष्ण महर्जन, प्रतिनिधिसभा सदस्य
यँ क्षेत्र नं. ९ पाखें प्रत्यक्ष उम्मेदवार, नेकपा

कम्युनिस्ट पार्टी ल्हवंगु थ्व मुद्दात, गुगु जेनजी आन्दोलन आवश्यकता महसुस याःगु मुद्दात ल्हवनावयाच्वनागु जूगुलिं निश्चित रूपय् आः वइगु दिनय् थ्व निर्वाचन भीसं त्याइ धइगु छू आधार खः। थ्व आधार हे जि त्याइगु आधार खः।

नेपाली कम्युनिस्ट पार्टी हे छाय् ल्यया दिया ?

निश्चित रूपय्, जि न्हापा जनता समाजवादी पार्टीइ च्वनाः ज्या यानाच्वनागु खः। थ्व पार्टी गठन जूगु ईया खँत छिंकिपिसं लुमं हे जुइ। जिमिगु मूल मुद्दा धइगु ला प्रत्यक्ष निर्वाचित कार्यकारी व पूर्णसमानुपातिक सहभागिताया खँ खः अले गणतन्त्रया खँ ला जिमिगु मुख्य एजेन्डा हे जुल। अले म्हिगःया दिनय् उज्वःगु एजेन्डातयत् कुबियाच्वीपं पुचःपुचः जुयाः ब्वदलाच्वंगु खः। लक्ष्य व एजेन्डा छू हे जुयाः नं चिच्चाः दनाच्वंबलय् सकलें कमजोर थें खनेदयाच्वन। अथे जुयाः जनताया सःयात तिबः बीत नेपाःयात बल्लाकेत वाम ध्रुवीकरणया आवश्यकता महसुस याःगु खः। मुद्दा व बिचार सिद्धान्त मिले जूपिनि दथुइ ध्रुवीकरण जुइगु आवश्यकता महसुस याःगु खः अले जिमिसं ल्हवनाच्वनागु प्रत्यक्ष निर्वाचित कार्यकारी व संघीय सुशासन,

संघीयता, गणतन्त्र व समानुपातिक, पूर्ण समानुपातिक सहभागिताया गुगु मुद्दात दु, व मुद्दात नेपाली कम्युनिस्ट पार्टी नं ल्हवना हे वयाच्वंगु अवस्था जुल। जिमिसं थ्व खँलिसे ज्वःलाये धुंकाः थ्व प्राप्तिया नितीं गुगु जेन्जी आन्दोलन नं आवश्यकता महसुस याःगु खः व जिमिसं निश्चित रूपय् थ्व न्हापा नं ल्हवना वयाच्वनागु विषयत खः अले थ्व विषय मिले जुइ धुंकाः जिमिसं सहकार्य यायेगु अथवा एकिकृत जुयाः नापं न्ह्याः वनेगु धइगु सहलह जुल। अनौलिपा एकिकृत जुयाः हे थुकियात पलिस्था याना यंकेमाः धइगु ताय्काः पासापिनि दथुइ खँ जुइधुंकाः जिमिसं वहे कथंया नेपाली कम्युनिस्ट पार्टी दय्केगु ज्याय् दुथ्यानागु खः।

यो वामध्रुवीकरण चुनावी तालमेल मात्र हो। पछि पुनः विग्रहमा जान्छ भन्ने पनि हल्ला छ नि ?

थ्व खँ गथे धाःसा दुरु त्वनीबलय् पुत धाःसा जाकि सिलातःगु लः नं फूफू यानाः त्वनीपिन्त थथे ताःगु जुइफु। थःपिनि मुद्दा, मुद्दाया लिधंसाय् गुबले एकीकरण जुइ व एकीकरण मजबूत जुइ। अथे नं थ्व मुद्दां लिचिलाः व्यक्तितगत स्वार्थय् तक्थनाः सुनां नं थुकियात स्पंकल धाःसा थ्व देसया नितीं हे दुर्भाग्यपूर्ण अवस्था जुइ। तर गन तक जिं अनुभूत यानागु दु, थ्व न्हूगु

शक्ति निर्माण जूगु दु। कन्हय्या दिनय् नेपाःयात विश्व शक्ति दय्केगु खःसा सकल वामपन्थी शक्ति छू हे थासय् मच्चंसें मगाः। भी स्वयां न्हयःया नेतापिं वामशक्ति छथाय् च्वने मफुगुलिं हे नेपाःमि जनतां सुशासन व विकासया पूर्वक अनुभूति याये मखंगु खः। उकिं आः नेपाली कम्युनिष्ट पार्टी भन् भन् मजबूत जुया वनेगु बाहेक विग्रहय् वनी मखु।

दकले लिपा छि त्यायेमा धइगु भित्तुना देछानाच्वना। दकले लिपा लहना वाःपौ ब्वनामिपिन्त छिं छु धयादी ?

यक्व यक्व सुभाय्। छिकपिसं जिगु नुगः खँ तय्गु, जिगु खँत ब्वनामिपिनि दथुइतक थयंकाबीगु नितीं गुगु हःपाः बियादिल उकिया नितीं छिकपिन्त यक्व यक्व सुभाय् बियाच्वना।

जि ताःइलिनिसें सामाजिक आन्दोलनत व राजनीतिक आन्दोलनय् सक्रिय जुयाः ब्वति कया हे च्वनामह खः। अले प्रत्यक्ष निर्वाचित कार्यकारी, पूर्ण समानुपातिक समावेशी युक्त प्रतिनिधिसभा जुइमाः धकाः ताः ई न्हयःनिसें सामाजिक आन्दोलन व राज्यपाखें विभेदय् लाकातःगु वर्गया उत्थानया नितीं जूगु आन्दोलन व अभियानय् जि न्ह्याबलें हे ब्वति कयावयाच्वनागु दु। थ्व सकतां खँयात नीतिगत रूपय् व्यवस्थित यायेत जिं छिकपिंके थुगु यँ जिल्ला निर्वाचन क्षेत्र नम्बर ९ पाखें प्रत्यक्ष उम्मेदवारकथं तारा चिं कयाः उम्मेदवारी बियाच्वनागु दु। दकले लिपा तमाम बेथिति विरुद्धया सङ्घर्ष, सामाजिक आन्दोलन व सांस्कृतिक आन्दोलनय् जिं ब्वति कयावयाच्वनागु दु। थुकियात अभि नीतिगत रूपय् व्यवस्थित यायेत जिं संसदय् वनाः थ्व यावत खँयात नीतिगत रूपय् हे व्यवस्थित याये फइ धइगु आँट च्वनाः छिकपिनि न्हयःने वयाच्वना। उकिं छिकपिनिगु अमूल्य मत जितः बियाः त्याकाबियादिसँ। जि व थासय् वनाः म्हिग स्वयां अभि बांलाक ज्या याये फइ धइगु विश्वास जिके दु।

दकले लिपा छिकपिन्त लुमंकाच्वना थ्व हे फागुन २१ गते जुइगु प्रतिनिधिसभा निर्वाचनय् यँ क्षेत्र नं. ९ पाखें नगु (तारा) चिन्हय् छाप तयाः जितः त्याकाबियादिसँ। छिकपिनिगु सःयात संसदय् थ्वय्काः समुन्नत नेपाः दय्केगु नितीं जि चाहिं दत्तचित्त जुयाः न्हयज्याये। सुभाय्।

100% Vegetarian
Sweet Cave
Sweets - Namkeen - Fast Food

Sweet Cave
(जीवन दाईया पसः)
Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।
आउटडोर भेज क्याटरिङ पनि गरिन्छ।

हरेक मंगलवाः
राष्ट्रियताको लागि समर्पित

मेरो साप्ताहिक
मन्त्र_साप्ताहिक **Mero Saptahik**

मालाः मालाः ब्वनादिसँ।

नां सम्बोधनया खँवः जक मखु : का.वा. प्रमुख डंगोल



लहना वाःपौ/यँ महानगरया १० गू वडा दुनेया ५०९ गू थाय्या प्राचीन व मौलिक नां पुष्टि जूगु दु। सम्पदा तथा पर्यटन विभागं एकीकृत सहरी विकास केन्द्रलिसेया सहकार्ययु निगू चरणयु याःगु अध्ययनपारखें ४३० मौलिक नां व ७९ सहायक नां पुष्टि याःगु दु। स्वंगु चरणयु थप ८ गू वडाया मौलिक व प्राचीन नांया अध्ययन यायेगु सम्भौता जूगु लसताय थुक्रिया सम्बन्धयु जानकारी ब्यूगु खः। स्वंगु चरणया अध्ययनया निरति सम्भौतायु सम्पदा व पर्यटन विभागया

प्रमुख कुमारी राइ व एकीकृत शहरी विकास केन्द्रया कार्यकारी निर्देशक रिजा जोशी कार्यवाहक प्रमुख सुनिता डंगोल, प्रमुख प्रशासकीय अधिकृत सरोज गुरागाईं व सम्पदा तथा पर्यटन समितिका संयोजक आशामान संगतया रोहबरयु विभागया प्रमुख राई व केन्द्रया कार्यकारी निर्देशन रिजा जोशी ल्हाःपिं तयादीगु खः। थ्व चरणयु वडा नं. १२, १३, १५, २१, २२, २३, २७ व २८ या वस्ती व थाय्याबाय्या मौलिक नांया अध्ययन जुइ। सम्भौताया लसतायु कार्यवाहक

प्रमुख डंगोल नां धैगु सःतेगु निरति छ यलीगु खँवः जक मखु धकाः उल्लेख यानादिल। 'हरेक नांया ल्यूने छुं न छुं तथ्य दइ। अन इतिहास, संस्कृति, सभ्यता व समाजया बारखं दु। उकिं नां तयेगु व थुक्रियात छ्यलाबुलायु हयेगु ज्यायात हल्का रुपं काये मजिउ।' नां पहिचान बोर्ड तयेगु विषय ल्हवनाः वय कलं धयादी, 'पहिचान बोर्ड तयेबलयु दृश्य प्रदूषण जुइगु कथं तयेमते। सम्भव जूसा न्हापा थें हे थासयु ति। मखुसा मिखायात जलन मजुइगु व मेपिन्त नं लिचवः मलाइगु थासयु तयादिसँ।'

न्हापांगु चरणयु ५, ६, ७, १८, २४ यागु व निगुगु चरणयु वडा नं. ८, १७, १९, २० व २५ यु अध्ययन जुइधुंक्गु विभागीय प्रमुख राई कनादीगु दु।

ज्याइवल्यु सम्पदा व पर्यटन समितिया संयोजक आशामान संगत, विभाग प्रमुख राईपिसं थःपिनि नुगःखँ तयादीगु खः।

नेपालभाषा मंकाः खलःयात 'वर्ष भाषा संस्था' सम्मान



लहना वाःपौ/नेपालभाषा मंकाः खलःयात भाषा आयोगं सम्मान याःगु दु।

अन्तर्राष्ट्रिय भाषा दिवसया लसतायु भाषा आयोगया ज्याकुथिइ मंकाः खलःयात 'वर्ष भाषा संस्था' कथं सम्मान याःगु खः।

ज्याइवल्यु मूपाहाँ कथं भयादीमह संस्कृति पर्यटन व नागरिक उड्यनमन्त्री अनिल कुमार सिन्हां नेपालभाषा मंकाः खलःया नायः रमेश पियायात उगु सम्मान पौ लःल्हाःगु खः। अथेहे, उगु ज्याइवल्यु 'वर्ष भाषा व्यक्ति' कथं रोल्पाया बमकुमारी बुढाथोकीयात सिरपाः व सम्मान लःल्हाःगु खः।

ज्याइवल्यु नुगःखँ तयादिसँ मूपाहाँ सिन्हां थःगु अनुभव कनादिसँ थः मामं स्वंगु तर्गतक जक ब्वनातःगु जूसां थःपिसं आखः ब्वनागु इलयु पंया च्वसां आखः च्वकीगु व अन

मामं स्वंगु धइगु भाषिक शुद्धता जूगु खँ कनादिल। वयकलं भायु धयागु खँ ल्हायेगु ज्वलंजक मखुसँ भीगु म्हसीका, पुर्खाया ज्ञान, सम्मान व संस्कृतिया जीवित दस्तावेज जूगु धासँ थुक्रियात वइगु पुस्तायात हस्तान्तरण जुइमाः धयादिल।

ज्याइवल्यु नेपाःया निरति बंगलादेशया राजदूत मोहम्मद सफिकर रेहमान, भाषा आयोगया कार्यबाहक नायः कृष्णप्रसाद न्यौपाने, दुजःपिं मातृका पोखरेल, सुरेश मानन्धर, संस्कृति मन्त्रालयया छ्याञ्जे मुकुन्द निरौला, जनजाति आयोगया दुजःपिनि श्रीष, मंकाः खलःया नायः रमेशमान पियापिसं नुगःखँ तःगु खः।

नेपालभाषा मंकाः खलः भाषा आन्दोलन व जातीय अधिकार आन्दोलनया दकले पुलांगु व नांजाःगु संस्था खः। भाषा आयोगं थुक्रियात हे मूल्यांकन यानाः थथे सम्मान याःगु खः।

पत्रकारलिसें म्येच्चमि ओमकाजी ताम्राकार मन्त

लहना वाःपौ/नेपालभाषाया कार्यकर्तालिसें म्येच्चमि, नेपालभाषा ज्याइवः न्ह्याकामिलिसें नेवाः पत्रकार राष्ट्रिय दबूया पूर्वकेन्द्रीय दुजः ओमकाजी ताम्राकार मन्त। वंगु बुधवाः ७४ दँयु ताम्राकार मद्गु खःसा वयकःया अन्तिम संस्कार बिहवाः कर्णदिपयु क्वचाःगु खः।

मद्गु ताम्राकारया जहानलिसें छम्ह कायु व निम्ह म्हायु दी। मद्गु ताम्राकार गोदावरीइ च्वंगु इसीआर एफएम व नेपालभाषा एकेदेमि न्ह्याकाच्वंगु नेवाः एफएमयु नं ज्याइवः न्ह्याकामि कथं ज्या यानादीधुंक्मूह खः।



जेष्ठ वर्ण महाविहारयात 'अवार्ड अफ मेरिट'



लहना वाःपौ/ यलया जेष्ठ वर्ण महाविहार व मुस्ताड्या लोवो न्यीपुग मठयात 'अवार्ड अफ मेरिट' एसिया प्रशान्त सांस्कृतिक सम्पदा संरक्षण पुरस्कारया विजेता घोषणा याःगु दु। युनेस्को क्षेत्रीय कार्यालय बैंककं सन् २०२५ या निरति एसिया प्रशान्त सांस्कृतिक सम्पदा संरक्षण पुरस्कार विजेताया घोषणा यानागु खँ छ्मू विज्ञापित जारी यासँ धाःगु दु। सन् २०२५ या अवार्ड अन्तर्गत चीन, भारत, जापान, मलेसिया, नेपाल व भानुआतुया १० उत्कृष्ट परियोजना ल्ययेगु ज्या

जूगु खःसा थुगुसी नेपाःया निगू परियोजनायात 'अवार्ड अफ मेरिट' लःल्हायेगु घोषणा याःगु खः। यलया जेष्ठ वर्ण महाविहार १७ औं शताब्दीया मध्यपाखे थापना जूगु खः। थ्व महाविहार नेपाःया नेवाः बौद्ध समुदायया तःजिगु धार्मिक व सांस्कृतिक महत्वया दुगु थायु खः।

निर्णायक मण्डलया कथं भुखायु ब्वये न्हयः हे थुक्रिया संरचना गम्भीर जीर्ण अवस्थायु दु खः। संरक्षण ज्यायात अभिलेखीय अनुसन्धान, संरचनात्मक ल्हवनेज्या, पुरातात्विक प्रभाव मूल्यांकन व विस्तृत संरक्षण योजना तयारी थंज्याःगु फुक्कं दृष्टिकोणं न्ह्याक्गु खः। थुकिं दीर्घकालीन उपयोगिता व संरचनाया सहनशीलता सुदृढ यायेत ग्वाहालि जूगु खँ न्हयथनातःगु दु।

संरचनाया विशेष पक्ष धइगु जीवित सम्पदाया रुपयु महाविहारया मौलिकता ल्यकेगु खः। संरक्षणया इवल्यु न्हिथं जुइगु पूजाआजा मदिकूसँ निरन्तर सञ्चालन यायेगु, पवित्र संरचना सुरक्षित यायेगु व नियमित ल्हवनेज्या यायेगु व्यवस्था यायेगुलिं समुदायया आस्थाया केन्द्रया रुपयु निरन्तर बिउगुलिं खः धकाः निर्णायकपिसं टिप्पणी याःगु दु।

लुम्बिनीइ...

दान बिायाः चैत्र २ गते लुम्बिनीइ भिक्षु अर्थात् श्रामणेर याइगु ज्याइवः क्वःछिनातःगु दु। अल्पकालीन प्रबज्या ज्याभूवःकथं भिन्त्यान्हु तक भिक्षु जुया च्वनेमाः। थाइल्यान्डया लोकह्वामह भिक्षु फ्रा प्रोमसिनावादीया उपाध्याय व अखिल नेपाल भिक्षु महासंघया अध्यक्ष धम्मशोभन

महास्थविरपिनिगु उपास्थितिइ भिक्षु (प्रबजित) ज्याइवः जुइत्यंगु खः। उगु ज्याभूवल्यु नेपाः नापं थाइल्यान्डया नागरिकतयसं नं ब्बति काइगु खँ धाःगु दु। अथे हे चैत्र १४ गते बुटवल, देवदह व लुम्बिनी धर्म यात्रा याइगु ज्याभूव दुसा चैत्र १६ व १७ गते हनुमानधवाका दरबार क्षेत्र व अक्षेश्वर महाविहारयु भिक्षाटन याइ।

दुनुगलंनिसें बिचाः हायेका



बुदिं
२००९ चैत्र पाहेंचःहे
औशी



स्व. मोहन नारां महर्जन



मद्गु दिं
२०८२ माघ २९ गते
दशमि

यट्खा त्वाः हँयपूननिइ च्वनादीमह यट्खा त्वाःया धुन्या गुरु

मोहन नारां महर्जन

आकाभाकां मद्गुलिं जिपिं यट्खा त्वाःया सकल जःपिनि नुगः मछिं।

वयकः गुरु मद्गु थौं भिंस्वन्हुया पुण्य तिथिइ वयकःया आत्मा

सुखावति भुवनस बास लायेमा धइगु मन्तुसँ

दुःखकःपिं सकल छँजःपिसं अनित्य संसार लुमंकाः

धैर्य धारण याये फयेमा धकाः कामना यानाच्वना।

कंग अजिमा खलः

व

कंग अजिमा खलः संरक्षण समिति

परिवार



**चुनाव चिन्ह
सूर्य**



राजेश शाक्य
प्रतिनिधि सभा उम्मेदवार, काठमाडौं क्षेत्र नं. ८
तपाईं आदरणीय मतदाताज्यूहरूबाट
अमूल्य मतको लागि हार्दिक अपिल गर्दछु ।

**यस्य पटक मेरो भोट तारा लाई
नेपाली कम्युनिष्ट पार्टी**

**VOTE
FOR
TARA**



चुनाव चिन्ह



रूपा महर्जन (श्रेष्ठ)
प्रतिनिधि सभा सदस्य उम्मेदवार
क्षेत्र नं. १०, काठमाडौं



**आम नागरिकको
समस्या र दुख,
दुःखमा साथै संगै छु,
संगै रहने छु ।**



सपना राजभण्डारी
प्रतिनिधि सभा सदस्य उम्मेदवार
काठमाडौं क्षेत्र नं. ८, नेपाली कम्युनिष्ट पार्टी

२१
सभागण
विद्युत

VISION



**प्रगतिशील लोकतांत्रिक पार्टी
PROGRESSIVE DEMOCRATIC PARTY**

अमिन रत्न तामाकार



काठमाडौं क्षेत्र नं. ७
प्रतिनिधि सभा सदस्य, उम्मेदवार
२०८२ साल फागुन २१ गते हुने
निर्वाचनमा आँखा चिन्हमा मतदान
गरी अत्याधिक मतले विजयी गराऔं ।



9841309344, 9851319344
amin_tamrakar@hotmail.com
Dallu, Kathmandu

"समृद्ध गाँउ, सशक्त नगर"

**"कामले चिनेको उम्मेदवार,
जनताका सच्चा सेवक ।"**



अब पालो परिवर्तनको

प्रकाश श्रेष्ठ

प्रतिनिधि सभा सदस्य उम्मेदवार
काठमाडौं निर्वाचन क्षेत्र नं. ७

VOTE
sun

निर्वाचनको समयमा कर्मचारीले पालना गर्नुपर्ने आचरण

- कुनै राजनीतिक दल वा उम्मेदवारको पक्ष वा विपक्षमा कुनै कार्य गर्नु/गराउनु, प्रचारप्रसारमा संलग्न हुनु वा प्रचारप्रसार गर्नु हुँदैन ।
- कुनै राजनीतिक दल वा उम्मेदवारलाई कार्यालय वा आफ्नो भवन, सवारी साधन वा अन्य सामग्री प्रयोग गर्न दिनु हुँदैन ।
- निर्वाचनलाई प्रतिकूल प्रभाव पार्ने विषयमा कृत्रिम बौद्धिकता (आर्टिफिसियल इन्टेलिजेन्स-एआई) को प्रयोग गरी वा नगरी सामाजिक सञ्जालमा पोष्ट, रिपोष्ट, शेयर, कमेन्ट वा प्रतिकमेन्ट, लाइभ स्ट्रीमिङ, ट्याग वा मेन्सन लगायतका कार्य गर्नु/गराउनु हुँदैन ।
- निर्वाचन प्रयोजनका लागि सम्प्रेषण गर्नुपर्ने सूचनाबाहेक अन्य कुनै प्रकारका आफूलाई प्राप्त जानकारी कुनै राजनीतिक दल वा उम्मेदवार वा अनधिकृत व्यक्तिलाई दिनु हुँदैन ।
- निर्वाचनसम्बन्धी कार्य गर्दा गराउँदा कसैको पक्ष वा विपक्ष लिनु हुँदैन ।

नेपाल सरकार



विज्ञापन बोर्ड